

# Kegiatan siswa membimbing penduduk desa dialu-alukan — Dr. Mahathir



OR. MAHATHIR

ALOR SETAR, Ahad — Timbalan Perdana Menteri, Datuk Seri Dr. Mahathir Mohamad hari ini memberi jaminan Kerajaan tidak akan menyekat sebarang kegiatan mahasiswa untuk kebaikan masyarakat.

Bellau berkata, Kerajaan tetap menyokong setiap kegiatan dan projek yang dilancarkan oleh mereka bagi faedah masyarakat khususnya penduduk-

penduduk luarbandar.

Sebaliknya, tegas bellau, Kerajaan terpaksa bertindak sekiranya projek yang dilancarkan itu menyeleweng dari matlamatnya.

"Saya yakin mahasiswa dan mahasiswi mempunyai niat yang bersih untuk menjalankan projek-projek bakti mereka di kampung-kampung," katanya ketika berucap melancarkan Projek Bakti Siswa Kedua di Dewan Orang Ramai Kubang Pasu, 22 batu dari sini.

Projek yang disertai oleh 83 orang siswa itu anjuran Persatuan Kebajikan Mahasiswa Kedah Universiti Kebangsaan di Kampung

Jeragan, Kubang Bentong dan Kampung Kubang Pasu.

Datuk Seri Dr. Mahathir berkata, kehadiran bellau merasmikan projek itu menandakan keyakinan penuh bellau terhadap niat bersih mahasiswa tersebut tanpa menyeleweng dari matlamat yang sebenar.

### Niat bersih

"Saya tidak akan datang merasmikan projek ini tambahan pula ia diadakan di kawasan saya sekiranya tidak mempunyai keyakinan itu," tambahny.

Menurutnya, pada masa lalu sebahagian kecil mahasiswa menjalankan kegiatan menghasut orang-orang kampung untuk menimbulkan rasa tidak puashati dengan mengadakan tunjuk perasaan di kampung-kampung.

Tindakan mereka itu, katanya, memburukkan nama baik mahasiswa sendiri.

Bellau berkata, mereka tidak payah memasuki universiti untuk menjalankan gerakan itu.

Dengan keadaan demikian, tegasnya, Kerajaan terpaksa mengadakan sekatan ke atas mahasiswa untuk mencegah kejadian yang tidak diinginkan berlaku.

Bellau yakin projek bakti siswa itu akan lebih mempercepat lagi pencapaian taraf hidup rakyat di kampung-kampung.

Timbalan Perdana Menteri berharap projek itu akan memberi kesedaran kepada semua pihak untuk mencapai matlamat Dasar Ekonomi Baru.

Tugas utama mereka, katanya, hendaklah menyedarkan serta berusaha mengubah nasib masyarakat kampung untuk mencapai kehidupan yang lebih sempurna.

Menurutnya, mereka juga boleh membangkitkan semangat untuk berusaha khususnya di bidang pertanian.

No. Siri 22  
No. F. ... ..

Bahan asal dari Arkib Negara Malaysia